

國

朝

詞

綜

國朝詞綜卷十七

青浦 王昶 纂

陳聶恒 四首

姜 垚 二首

卓天寅 一首

賀 宿 一首

江尙質 一首

鄭熙績 一首

葉 藩 一首

史惟圖 一首

陳履端 二首

朱昆田 一首

葉蕪源 一首

徐履忱 一首

岳 驥 一首

顧 彩 一首

鄭景會 一首

范 纘 一首

周禹吉 一首

姚景崇 一首

湯豹處 一首

鮑夔生 一首

李錢琇 一首

李伍洪 一首

金張 一首

柴際溶 一首

曹霖 一首

顧仲清 一首

沈渭 一首

李長苞 一首

孔傳誌 二首

雷維馨 一首

金長興 一首

金標 一首

周珂 一首

周霽 一首

丁濬 一首

卓允基 一首

陳聶恒

字曾起武進人康熙二十九年進士官荔浦縣知縣遷刑部主事改檢討有柳園詞三卷

小重山

寄趙侯赤餘杭官舍

緩步東風得其游洗妝樓下路亂紅稠故園何日話閑
愁雲谿過黃葉滿東流湖水碧於油孤山疑晚黛一
痕浮六橋絕好蓼花秋今宵夢同上木蘭舟

黃金縷

過黃艾庵先生鷗邊小閣

簾卷一層波萬頃嫋嫋風生吹得斜陽冷看盡小橋秋
樹影落殘松子香猶賸此夜不成還獨醒獨立花前
愛酒人微病已到月明歸未肯隔谿飄渺傳僧磬

減字木蘭花

晚眺

城東歸路菱港人來酤酒去欸乃漁舟一葉蘆花滿地
秋繁華何在難問離宮煙草外老盡垂楊猶有寒鴉
送夕陽

風入松 過外舅錢東臯先生清映堂

平橋一片響蒲菰虛翠濕衣裾斜陽亂織蜻蜓影釣絲
風吹落紅葉竹檻有時欹枕桐窗隨意攤書 眼前一
幅輞川圖展向月明初蒲萄架就清陰徧夢三更絡緯
聲疎信是谿堂秋早掩闌人在水壺

姜

垚 字汝臯餘姚人貢生官國
子監學正有柯亭詞一卷

點絳脣 不寐

譙鼓頻催夢迴依舊橫孤枕月移花影風墜飄金井

衾薄誰添夜夜鄉心冷空思省曉來酒醒閒殺鴛鴦錦

憶少年

憶舊

悄攜纖手偷描眉嬾盈盈香陌桃花度流水只芙蓉城
隔一寸相思愁千尺算從來縱難追憶杜鵑聲不斷
看山雲凝碧

卓天寅

字火傳
仁和人

踏莎行

日映紅窻烟霏碧樹慙慙長晝渾難度曉風和淚捲珠
簾一雙燕子花閒去底事凝眸無端獨語春光欲暮

誰爲主畫屏風上認伊家小橋垂柳江南路

賀

宿

字天士
丹陽人

好事近

草綠蝶香濃惱殺如花風雨雨後落英片片向畫橋流
去夕陽醉起太無聊夢斷聞鶯語又是晚霞零亂嘆
人歸何處

江尚質

字丹崖休寧人有
澄輝堂詞一卷

惜秋華

瑟瑟金風顛西園敗葉聲聲偏早怕捲繡簾暗傷一番
懷抱黛眉重鎖隋堤恨雁影高飛雲表人悄只窗迎冷

月燈搖殘照 欲待強歡笑奈池邊柳色漸成枯槁幽
夢趁他砧杵斷邊程難到琵琶譜入相思又喚起新愁
不了煩惱爭能勾共伊知道

鄭熙績

字懋嘉江都人
有蕊樓詞一卷

朝玉階

春情

鳥語鶯啼覺曉眠似傳花事近艷陽天輕籠蟬髻過南
園風飄榆莢墜沈郎錢 雙雙蝴蝶舞翩翩繞裙飛不
去把人憐歸來無語憶從前擬將裏曲事寄壽箋

葉

藩

字桐初太倉人
有惜樹齋詞

念奴嬌

廣陵送毛亦史之白下

萍蹤忽聚惟旗亭，貫酒相逢還別點。染楓林，青嶂外，漸
過小春時節。鴈陣橫空，孤帆南渡，潮滿江聲。濶揚州，自
遠石城多少明月。遙想訪舊秦淮，久辭歌管，剩有波
千折。繡幕珠簾，寒不捲，總被暮笳吹徹。欲問遺宮層層
衰草，誰向游人說。白雲梯在，著鞭應上天闕。

史惟圖

字雲臣，宜興人。
有蝶庵詞二卷。

河瀆神

照水月娟娟，小姑妝鏡初懸。碧桃花發繡簾前，殘香猶
裊斜煙。霧濕旌竿鈴帶重，隔雲神女相送。繡袂天風
吹動，凌波歸去如夢。

陳履端

字求夏宜興人檢討維
崧子有樂餘詞一卷

西江月 秋月

孔雀屏邊篆細鴛鴦瓦上霜輕小樓單枕夢難成閒數
一簾疎影人到秋來較瘦夢隨人去無憑知他今夜
酒微醒卧對涼蟾清冷

臨江仙 夏景

梅子纔黃新雨足衫裁白苧涼生一灣流水縠紋平荷
香浮野渚檻外暮山橫 隔院有人歌水調蟬聲攪碎
歌聲荳花茗葉十分清水晶簾半捲新月浸桃笙

朱昆田

字文益秀水人監
生檢討彝尊子

一枝花

送沈融谷宰來賓

小雨沙頭店風掃濕雲齊歛殘星猶挂樹四三點已是
離人怎得離愁減萬里關河險過亂石重灘尖峰漸露
如劍蠻女銅釵餞比似西眉南臉山童爭喝馬翠旗
颭幾笏書齋定有新詞艷荔子輕紅染更柳白蕉黃漫
憶柘湖菱芡

葉尋源

字硯孫江南華亭
人有玉壺詞一卷

浪淘沙

樓上曉風殘香燼燈闌月華淡襯露華寒幾曲雲屏遮
不住夢裏吳山睡醒凭欄干天外鴻單西洲人去幾

時還簾外一枝花影動門掩雙銀

徐履忱

字孚若崑山人

滿江紅

過夏太常賜筵

石馬金輿傷心事百年如昨閒登眺殘碑斷表還依佛
閣千箇琅玕春粉散一簾風雨松濤落且攜朋閒坐九
龍墩同盤礴書畫好尊彝錯恩寵盛君臣樂歎滄桑
劫火誅求谿壑鄉里粗能知故老兒孫無計安耕鑿總
歸來難識舊江山遼東鶴

岳

驥

字千里宜興人

小重山

古寺寒林綴晚鷗南溪排雁陣下平沙牛羊歸去夕陽
斜漁歌緩短棹沒蘆花沽酒到西家朔風初作雪暈
微霞忽聞商女撥琵琶含情望江上暮雲遮

顧

彩字天石
無錫人

御帶花

長亭芳草離人處讀徧荆榛碑碣風邨雨店正詩魂愁
老酒狂翻熱知否滿頭華髮意可堪淒絕垂鞭去有人
喚馬向柳條頻折嘗盡天涯羈旅味不願今生更言
離別朱顏彫削有千種風情對誰明說薄薄青衫多付
與淚痕沾濕倩山館杜鵑啼後問五更殘月

鄭景會

字慕韓，慈谿人。寓居錢塘諸生。

憶王孫

芳草

萋萋芳草遍江痕，一望江南一斷魂。
處處殘紅點綠茵，怨王孫。故苑依然長舊痕。

范

續，字武功，江南華亭人。監生。以孫棫士贈監察御史。有《四香樓詞鈔》三卷。

蝶戀花

狼籍梨花飄冷雨，月上牆頭，深夜無人語。
尋到碧窗塵鎖處，簫聲一陣風吹去。
倚徧橫闌無意緒，百蝶春衫，淚濕黃金縷。
喔喔寒雞啼不住，曉星移上西冷樹。

周禹吉

字敷文，錢唐人。有《青籬詞》一卷。

搗練子

青雀舫錦雲帆小泊河橋酒半酣人在煙波雲水外杏
花風雨濕春衫

姚景崇

字胡唐奉天人
官縣知縣

摸魚兒 客夜有懷

聽蕭蕭一宵秋雨井梧聲遞庭院孤燈黯淡明還滅引
動旅愁千轉思幾遍更說甚香攜滿袖南薰殿長安近
遠漫屈指程途蒼茫烟水依約夢魂見 猛回首嘹唳
南飛征雁多應惜我歸晚峻嶒傲骨原如故添得淒清
無限難自遣問何日輕衫匹馬隨書劍殘更點點正宿

酒初醒披衣強起又是曉鐘斷

湯豹處

字雨七
吳江人

玉樓春

人在鬱金堂上住簾幙影交連理樹玉盆薇露淨如空
寶鼎蘭烟濃似霧薄倖不來春欲暮情託子規聲裏
訴個儂清減似梨花香雪一枝嬌帶露

鮑夔生

字
休寧人

滿庭芳

贈蔣圃

紅藕莊詞紫端溪硯鼠鬚蠶繭繡鮮舊中山墅泉石費
留連翠羽名花逼坐麴波淨幾點荷錢多應喚蘋雲按

拍低度綠尊前 誰憐遊倦客江樓夜雨把卷翛然脫
敝裘沽酒聽盡啼鵲重想燕臺浪跡玉河畔細數當年
還看取仙郎珥筆題柱蚤名傳

李錢瑋

字

嘉興人

無俗念

題紅藕莊詞

細雨孤篷喜新詞讀罷頓消離緒長短亭邊南北路都
是斷腸題句白石風流玉田標格此外誰堪伍情懷常
在烟波一片深處 只合付與紅兒香櫻宛轉歷歷尊
前度翻恐征人聽未得歌板更添凄楚雁底新愁鶯時
別恨憔悴傷春暮藕莊歸也田田綠意重賦

李伍洪

字半谷臨川人諸生百李半谷先生詩集一卷詞附

虞美人

集調名

離亭燕別梅花落霜天聞曉角謝池春好意難忘遮莫
長拋多麗醉紅妝鶯啼似把衷情訴聲聲芳草渡愁
心遙寄渡江雲長是最高樓上憶王孫

金

張字介山錢唐人諸生

菩薩蠻

清明纔過稀花朵寒生惻惻重綿裏柳外雨濛濛人家
綠水中黏天芳草路沒箇歌船住燕子濕烏衣銜泥
何處歸

柴際溶

字雨蒼
錢唐人

浪淘沙

殘蠟閃餘光影怯空床暗風吹雨過紗窗剩枕閒衾都
是淚誰要思量花徑捉迷藏月照迴廊水晶簾下看
梳妝惆悵舊歡無覓處雲鎖巫陽

曹

霖

字掌霖
安邱人

金明池

題金陵覽古詩卷後

絮帽穿花雨襟間渡踏徧烏衣巷陌歎此地閑人多矣
夕陽裏何限陳跡任閒吟斷粉零香早十幅蠻牋怨紅
愁碧漫凝想當年銀床金井一片臙脂痕濕我亦飄

零江南客便玉樹歌聲怕教聽得青溪岸荒苔露草桃
葉渡冷烟寒日悵平湖春水茫茫問甚處曾窺脫娘顏
色且小拍紅牙將君法曲譜入一枝橫笛

顧仲清

字咸三嘉興人監生有喝月詞一卷

秦樓月

愁難說樓頭日送江頭楫江頭楫水天盡處夢魂飛越
暮雲唱斷菱歌闕空圍愁對天涯月天涯月從郎一
去幾回圓缺

沈

涓 字鴻舉錢唐人有處囊集一卷詞附

浪淘沙

留別

國朝詩集卷十一
十一
別酒冷還溫淚滿芳樽簷前紅紫落紛紛風雨送將春
去也兼送行人楊柳覆橋新橋下舟橫不須分手已
銷魂料得相思同皓月今夜黃昏

李長苞

字竹西
嘉興人

少年遊

秋砧

戍樓急鼓少人行高樹掛殘星纔咽寒蛩竹燈深處秋
杵兩三聲征衣頻記霜華冷心急翦刀輕五夜啼鴉
一行征雁同做許多情

孔傳誌

字西銘曲阜人
有指詩詞二卷

相見歡

曲屏兩過微涼自生香今夜簾紋螢影似瀟湘 銀露
冷池荷靜睡鴛鴦誰伴月明如晝有啼螿

愁倚欄令

層樓外是青山莫凭欄望見行人從此去幾時還 時
候柳綠花繁都付與愁閒夢閒待得愁消和夢醒又春
殘

雷維馨

字吟壑
青浦人

望江南

青溪卽事

探芳信雨霽紫東風北郭人遊梅雪墜東臯漁泊柳烟
濃詩思夕陽中

又

尋春去好趁冶遊天真淨庵邊芳草路生春堂外菜花田流水小橋邊

金長興

字虎文
仁和人

點絳脣

春暮

一抹輕煙春雲黯澹連平楚斷山零浦盡是愁來路

展轉思量沒箇安排處天涯暮落花無主幾點黃昏雨

金

標字成治錢唐人監生
有偶鳴集詞一卷

踏莎行

秋江

露草垂黃霜楓散綺波流浩渺烟光紫魚龍隱現戲鸞

心乘風快意騰千里 一碧平鋪萬峰倒峙輕鴻漠漠
飛還止江天淡蕩畫難成漁舟遙唱秋陰裏

周

珂字越石嘉善人諸生

望江南

江行

江聲咽暝色走寒沙水底青天銜落日天邊綠樹挂殘霞
霞隔浦一帆斜 西風老飄泊在天涯數點啼烏驚落葉
扁舟明月載蘆花今夜宿誰家

周

霽字雨疇錢唐人諸生有稽古林遺稿一卷詞附

浣溪沙

山行

古木叢叢路幾重支筇欲上最高峰好花飛作映山紅

遙聽前溪流水急徐徐風起響青松日斜林外一聲鐘

如夢令

不見花飛何處早見綠楊飄絮簾外午風斜枝上鶯啼
不住春去春去整頓竹床清暑

丁

滌

字素涵仁和人
有青桂堂集

相見懽

湖上偶見

輕風吹動羅裙水邊人堪恨湖波如鏡不留春
臨欲去還又住儘消魂願作路傍柳絮逐香輪

卓允基

字次厚
武康人

賀新郎

寂寂重門閉鎮黃昏懶挑蘭地半閉鴛被萬點瀟瀟無
情雨時向紗窗飛墜恰也似伴人愁淚誰說春宵未易
得怎渾如秋夜難成寐無語處暗憔悴天公料得無
私意想人閒昏昏曉曉一般况味可惜少年行樂事大
半輸他夢裏酒醒後小樓遍倚獨自三更凝望久但春
山烟樹春江水離別恨倩誰寄

國朝詞綜卷十七

國朝詞綜卷十八

青浦 王昶

屠文漪 十五首

屠宸楨 四首

徐瑤 四首

方炳 一首

沈永令 一首

柯炳 一首

周稚廉 二首

周稚炳 一首

張欽明 一首

王宗蔚 一首

潘睿隆 一首

陳仲永 一首

潘雲赤 一首

孫序皇 一首

柴震 一首

倪濂 一首

徐昌薇

一首

吳貫勉

一首

章士麒

一首

高宗元

一首

徐懷仁

一首

楊之順

一首

俞美英

一首

施鑒

一首

黃千人

一首

錢璜

一首

錢來修

一首

屠文漪

字漣水婁縣人諸生有詩餘草二卷

臨江仙

荷花用屯田體

洛水岸微步愛窺青鏡未卸紅裝隱飛蓋亭亭占斷清涼
悠颺向蘋風裏蘅皋畔一笑生香應須問遇賦騷才

子許否同裳 端詳嬌容殢酒還似偷顧鴛鴦惹芳心
鎮苦愁緒偏長匆忙早蘭舟去吳歌遠分背迴塘渾無
奈又幾聲疎雨閣淚盈眶

浣溪沙

上已纔過春又闌雨絲飄盡燕飛還碧牕簾幕捲輕寒
濁酒欲邀今夜月小屏空對舊時山鎮長岑寂恨漫
漫

蘇幕遮

三月既望與子隣遲月得雨限韻

柳啼烏梁宿燕細雨和愁吹到閑庭院酒罷垂簾人正
倦天濶雲寒淚掩嫦娥面 楚宮情巫嶺怨此夜淒涼

國朝詩集卷十一
夢也無由見暈結燈花紅一片香潤微烟舊事思量遍

虞美人

秋閨迴文

香肌玉減消脂粉被擁長更恨黛凝波歛醉還醒帶酒
翠鬟亂髮輕孤鸞鏡對山屏畫月皎烏啼夜碧
香烟鏡夢成空往事鳳衫羅染淚痕重

又

新寒惹砌鳴蛩亂夜夜人愁慣露輕風細雁來初向寄
萬千情字一緘書花紅暈燭銀屏背寂寂紗窓閉澹
烟沉水在香篝掩帳待誰和月望清秋

齊天樂

梅花

餘寒未覺花期近梅梢乍驚春透溪峴冰嘶山窓月上
次第玉人妝就相看似舊儘半面欹斜十分清瘦斷夢
重尋酒家還共一樽否何郎幽興未減對槎牙幾樹
常倚吟袖忍冷頻看憐芳小折肯待滿枝青豆殘蟾斷
漏想疎影風前凍香霜後別恨江南角聲誰更奏

又
蟬

千年未了青娥恨淒淒斷魂重訴屋角吟烟枝頭暎月
空歷幾番朝暮齊臺甚處但衣翦冰綃鬢翻雲縷一樹
無情背人哽咽過牆去西風涼意自好奈清商更奏
琴韻偏苦瘦不禁秋嬌還抱影憑仗綠陰深護多愁倦

語又敗葉催歸蛻仙無據尙憶初逢小園梅熟雨

又 螢

一番梅雨池塘暮輕輝傍林初見映水偏稠隨風試起
認得舊年庭院低迷醉眼正乍滅銀釭倦開書卷忽憶
娉婷那時梧井弄紈扇 紗幮涼夢又醒捲簾還細數
花下星點夕露生涯晚烟滋味莫漫替他愁怨蕪城故
苑想大業繁華也成飛電且喜清光向人時近遠

摸魚兒

沈子宸階招飲吳氏園亭賦此

正無聊桂簾蛩砌吟涼自對殘雨沾來酒薄猶餘恨不
道醉君芳醕杯乍舉便劇飲淋浪那計歸時路闌干日

暮喜淺沼盈盈殘荷藪藪尙有暗香度 移燈後驚看
婆娑起舞休文興會如許還因客舍重留客却唱渭城
詩句心記取縱不是陽關豈忍分襟去持觴更住任織
柳烟昏籠雲月轉衣溼夜深露

桂枝香

雙

荒烟野渡正綠颭浪花紅醉霜樹依約蘆根織箔岸傍
籠炬萍蹤郭索西風裏認前村夜遊偏誤斷腸都盡蠶
筐漫好紺螿誰護乍喜伴雲窻菊醕又燭炮盃殘人
意淒楚應念柔葱壁罷舊牽情處相看慣作經年別遣
愁懷浪拈琴譜問伊今後橙黃時節定重逢否

綺羅香 茉莉

綽約飛瓊娉婷小玉天外炎州曾遇蠻客攜來一舸亂
香飄路將雪綴薄暑林園引月到晚涼庭戶却憐他壓
架荼蘼水魂無賴逐春去江東秋信恁早還怕輕盈
翠袖難勝風露萬里鄉關多少舊時情緒臨寶檻粉面
斜倚記珠孃絲絲微度黯銷疑一點芳心夜闌誰共語

解連環 秋海棠

暈霞酥臉愛天然膩媚笑輕顰淺乍弄影欲度香堦便
彷彿春前似曾相見誰誤佳期到冷落清秋庭院却多
情與慰舊日羅郎惜花心眼風流錦江未遠更深深

障綠稍低掩想瘦怯不耐新寒也似帶春醒睡妝嬌
軟夢阻唐宮但夜雨暗蛩啼怨怕明朝碧苔又綴褪紅
幾點

六么令

送王徽溪

柳梢寒緊未有青堪折風前贈行心緒對景成嗚咽回
首三年舊事忍向而今說扁舟如葉嚴裝辦了只待潮
平冒晨發遙想輕帆挂處申浦涵空濶屈指甚日歸
來曾約清明節記取桐華放後不是多時別也應愁絕
小梅庭館冷殺春宵這番月

南歌子

題王徽溪行樂圖

峭石粘蒼蘚長松蔭紫芝先生野服出尋詩正是菊花
天氣好秋時 蠅拂閒須把棕鞋穩更宜身強那用古
藤枝不道山僮多事却相隨

邁陂塘

題陸勇亭小照

是誰將玉山瓊樹毫端圖畫偏似香街未要斑駁控且
愛小園吟憇欄檻外看翦得紅芳一段耶溪水蘋波細
起正羽蓋亭亭霞裳冉冉漾影照姝麗 徜徉處過雨
蒼苔滿地桐陰何限清致掩書餘味胸中在長日坐來
凝思情賞寄況更有君家綠醕平生契風流自喜問銷
盡爐烟一杯緩酌須到幾時醉

屠震楨

字周士青浦人諸生有
醉經草堂詩稿詞附

滿江紅

新燕次王浩東韻

舊壘重尋偏記得年時風景欄檻外綠楊絲軟露桃香
冷久別未安香夢穩乍來猶怯重簾影甚妝臺芳信覓
天涯還思省華屋夢悲俄頃風幕計愁驚醒見烏衣
巷陌紫騮馳騁翦水春池分蘂浪銜花夜月翻苔井更
呢喃絮語笑征鴻同飄梗

又虎邱感舊次王浩東韻

山寺春遊曾可是一年一度還記得鐫題蘚石繫船堤
樹曲檻春燈憑賞遍小桃朱戶思量處憶相逢明月可

中亭閒心緒 青鸞信今無據生公石空延佇聽啼鵲
切切勸春歸去竹葉醉沽吳苑月柳花泣弔秦樓女怕
情傷莫問少年游鶯花侶

疎影 梅影

空庭人靜悄寒枝瀟灑蟾魄交映暗貼香階隱約紗窓
漫引酒情詩興依稀已見扶疎樣但未識芳顏花性倩
何人說與天涯滿地霜條難贈 正怯春寒才穩怪東
風又起還是不定酒醒黃昏看足香痕好夢羅浮重省
有時烟月朦朧處更別是一般清景想玉人惆悵深閨
應也畫欄愁凭

惜紅衣

落花用白石韻

雲綻長天草薰斜日落紅無力檢束春光堆烟柳絲碧
旗亭水榭早興減酒人詩客幽寂芳砌綠陰鎖重簾消
息重來綺陌可有遺鈿殘香共狼籍賸粉零脂凝怨
畫欄北甚處亭臺花月記得幾回游歷笑絳幘難護二
十四番風色

徐

瑤

字天璧荆溪人有離墨詞二卷

狄立人云天璧才擅衆長詞不一格或瑰璋如夢窓或清勁如白石或綺麗婉約如美成少游

惜紅衣

擬夢窗詞

雲母屏前湘妃簾後晚寒慵繡幕地傷心修蛾一痕皺
閒階軟步曾乍遇悄攜纖手波溜無語暗憐爲新來消
瘦香雲散久玉碎花菱春情已非舊惟教驗取羅袖
盡溼透待寫別來愁思寄與斷魂知否問甚時還許十
二玉樓重叩

尤展成云恂恍迷離得神光掩映之妙

南樓令

牆外梅花一樹可望而不可卽因憶去年家園情事甚念感賦

官閣漫俄延梅痕一樹偏隔銀牆長鎖春寒惟有暗香
留不住時裊裊落簷前望處思凄然風光憶去年折
斜枝替插雲鬢今日異鄉花儘好爭得似故園看

瑤花

荼蘼

東君老矣鶗鴂聲中正
揀花風急園林綠滿把一晌花
事今番多歇後塵誰殿蚤
開到荼蘼香坼罨半廊粉面
霓裳慣抓玉釵堪惜
思量原自差池恠不合春
輕擲瓊葩淡豔飛遍處
縱憶也應無及憑誰審取時領
略琉璃新碧更得他香夢成時
說與離人消息

又 薔薇

石家錦帳慣向殘春倍綠嬌
紅嫩巢雲閣外記壓架顚
顚鈿痕愁褪穿簾新燕啄
花辦輸他輕俊摘幾枝釀露
煎香送與曉妝添暈
分明月榭雲軒俏匿笑花叢兩
兩低趁紅絲惹刺鬢影側
越顯雅孃風韻十年情事將

舊夢翻成春恨糝一堆珠淚盈盈還是當年香粉

方

炳

字文虎
會稽人

鷓鴣天

玉臂胭脂繫絳紗驪駒一曲不思家
晝長應學三眠柳夜靜羞看百合花
春易老月多斜行雲無夢到天涯
夢中識路知何益流水孤村只暮鴉

沈永令

字聞人秀
水人貢生

離亭燕

龍門

誰把飛流橫瀉秦晉一絲分界翠壁鑿痕千仞立萬里
銀濤天挂隔岸倚危樓掩映琳宮紅榭
幾朵雪花輕

灑百尺冰橋高跨隴樹洮雲何處是惟有蓮峯太華遙
望夕陽關片片輕帆東下

柯

炳字緯昭嘉善人有月波詞

浣溪沙

雨冷風寒深閉門小闌花逕欲黃昏銅壺初滴漏聲沈
翠幌不堪燈伴影綺樓只有燕依人一襟幽思向誰

論

周稚廉

字冰持婁縣人
有容居詞一卷

相見懽

小鬟衫着輕羅髮如螺睡起釵偏髻倒喚娘梳
心上

事春前景闕中過打疊閑情別緒教鸚哥

謁金門

風屑屑吹冷一簾新月深苑薔薇和影折堦裙紅刺密
昨夜露濃苔滑早又淺花濃葉間倚紅窓尋綠蝶犀

簾銀蒜揭

周稚炳

字懷蓼江南華亭人
貢生有瓊蘼詞一卷

踏莎行

一盞寒燈撩人意緒含情更惱龍涎氣朦朧月向別家
圓有情天也還如醉 嬾描鴛枕慵溫翠被悶來不管
和衣睡一場好夢帶人來醒時憶卻無頭尾

張欽明

字文安嘉定人諸生有
小隱庵詩鈔二卷詞附

蝶戀花

夏日閑居寄魯澹庵

榴徑殘紅閒不掃
嬾捲湘簾留得爐烟裊
那覓知音琴
獨抱消愁只合清樽倒
草長空庭人不到
天末停雲
兩地相思悄
一枕北窓喧
夢覺聲聲待把鳴蟬惱

王宗蔚

字懋文江
南華亭人

臨江仙

門外新潮催桂檝
鳳笙初送斜陽野
雲何處隔瀟湘
翠鬢籠霧重
芳草帶愁長
紅葉不傳青女信
誤人連夜
橫塘錦帆飛雁影
茫茫一燈雙浦月
孤枕五湖霜

潘睿隆

字聖階
錢唐人

浪淘沙

湖心亭楊柳

柳色漸舒青
恰喜初晴
凌波微步見
傾城玉笛銀箏聽
未了又聽流鶯
飛絮太無情
隔水盈盈漫
天遍地可憐生
捲得楊花渾似雪
春不分明

陳仲永

字昌期
海寧人

點絳脣

憶舊

十四樓東不知多少
關情事
尋常相對翠袖沾紅淚
重到朱門
落照烟橫翠
真難記
青驄曾繫
弱柳空垂地

潘雲赤

字夏珠
錢唐人有桐魚詞

蘇幕遮

五更初三月暮
牕內人愁
牕外風吹雨
悵落花誰作
主
杜宇無聲已到消魂處
夢難憑
情怎訴
脈脈幽歡
祇恁輕孤負
金鴨香
口人獨語
烟樹江邨
屏上相思路

孫序皇

字子黃
嘉善人

朝中措

宮詞

霓裳一曲淚痕消
往事寄檀槽
恨却東風薄
倖依然春
在花梢
碧欄干外閒尋舊
侶共話前朝
一樣漢宮草
木秋來獨見芭蕉

柴

震

字尺階
錢唐人

更漏子

閨夜

麝烟微蟬影瀉樓上晚妝初卸釵翠滑鬢雲鬆月移花
影重漏無聲鶯未語睡熟銀屏深處芳草徑馬蹄塵
夢回還當真

倪

濂

字公介仁和人有
蕪園集一卷詞附

青玉案

題澄江女子桃花燕子畫扇

天涯極目長干路綠徧多情芳草渡樓外斜陽空日暮
幾回羞見香酣翠軟瘦影聯翩處花深夢遠無憑據
一任春來愁裏住畫得斷腸腸斷句脂嬌粉膩臉痕眉
暈點滴成紅雨

徐昌蘅

字紫凝錢唐人
有春暉詞一卷

蝶戀花

長日茫茫飛柳絮池館淒涼獨自閒凝竚枝上杜鵑啼
不住夕陽影裏微微雨簾外春山山外樹一望青青
迷却天涯路多少閒愁無可訴却看雙燕啣花舞

吳貫勉

字尊五江寧人諸
生有秋屏詞一卷

長亭怨

送春

荏苒過三春風雨剛遇晴朝又驚春去萬疊雲山可能
遮斷去時路歲華流轉偏喚起閒情緒客久倦天涯怎
還被鶯花留住 延佇看成團粉蝶尙自采香南浦旗

亭折柳能幾日暗塵飛絮惹樓上怨綠愁紅最難過今
番淒楚怕晝暖初長倦睡不成朝暮

章士麒

字玉書
錢唐人

醜奴兒令

答別沈柳亭

梧桐滴盡瀟瀟雨瘦過年時恨過年時秋色平分各自
知相逢怪道匆匆別似景遲遲蟾影遲遲又耐離人
一夜思

高宗元

字伯陽錢唐人
有思亭詞二卷

菩薩蠻

暮春

綠楊枝上吹晴雪啼鶯聲裏青春歇明月小簾籠佳期

似夢中 妝成無限意畫出眉痕細獨自莫憑闌飛花
做晚寒

徐懷仁

字元仲嘉興人有
柘南詞草一卷

法曲獻仙音

燕語鶯啼杏花時節不盡絲絲烟雨惱破春情窺殘春
意心懷了無憑據況睡起繡帷外垂楊幾千縷 奈何
許問妝臺玉釵無主正欲斷吟魂子規啼住芳草外斜
陽遮亂雲殘靄無數小疊紅牋是多少情共春去待受
些暄冷瀉入恨詞愁句

楊之順

字景唐
錢唐人

踏莎行

紅葉重簾黃花深院傳情猶記回嬌眼夕陽樓上倚朱
闌西風吹冷胭脂面鏡影分鸞釵梁拆燕何時得與
重相見除非夢裏好相逢醒來依舊天涯遠

俞美英

字璫伯
錢唐人

憶秦娥

風淅淅秋原一望驚魂魄驚魂魄寒烟蔓草暮天凝碧
山頭欲落西風日山前欲覓前朝跡前朝跡烏啼衰
柳馬嘶殘驛

山

鑒字況清
嘉興人

天仙子 秋闈

蛩聲填出離人譜斜日垂簾紅一縷爲誰收拾上眉尖
無人處深深語天涯往事難重數一片秋蟾林額吐
不道歸期今又誤晚雲陣陣捲愁來閒庭宇黃昏雨燭
花照夢誰爲主

黃千人

字證孫餘姚人官泰安縣
縣丞有竹浦稼翁詞一卷

麥秀兩岐

田家四月詞

茆舍濃陰覆高矮園新竹蜜分房蠶上簇已過迦文浴
摘來倭豆盈筐剝休誇梁肉臯上閒驅犢藉草當粥
褥麥全黃秧正綠播種期忙促婦鳩喚雨田田蓄一犁

剛足蠶豆一名倭豆

錢

璜字右玉錢
唐人監生

訴衷情 閨晚

晚來斜倚玉床前
風過鬢雲偏
攜琴欲彈還罷
橫抱不成眠
情脉脉恨綿綿
淚涓涓
紗窓月冷羅帳燈昏
沒個人憐

錢來修

字幼昆
仁和人

小重山 春閨

銀蒜低垂紫玉鈎
鴛鴦春睡暖
燭光浮催花風急
燕聲柔青鬢亂
斜墮玉搔頭
密意鎖雙眸
別離猶未說
淚

先流博山香裊畫屏幽分手處樓外晚雲稠

國朝詞綜卷十八

國朝詞綜卷十九

青浦王昶纂

許田十六首

查慎行四首

張大受一首

戴錡五首

毛成肅一首

沙張白一首

林之松一首

顧景文一首

鄭培一首

金惟駿一首

葉之溶一首

華宗鉉三首

沈時棟一首

程庭一首

陳嶠二首

吳思一首

邵 峴 三首

秦道然 一首

許

田

字莘野錢唐人康熙四十二年進士官高縣知縣有屏山春夢詞二卷水痕詞一卷屏山

詞話
一卷

劉廷璣云詞家三昧全以不着迹象爲佳余最愛莘野解語花結句漾花梢一朶行雲化水痕難覓其妙處在離卽之間

如夢令

春夜小樓寒重花插膽瓶香凍燭淚串紅珠透入月痕
意縫如夢如夢何處曉鐘吹送

又

取閣杏梁春好密態餘嬌人小珍簾玉花紋帳掩厥麤

香裊窗曉窗曉枕畔墮釵聲悄

調笑令

紅袖紅袖記否玉樓垂手花顏旖旎生香秋水明眸斷
腸腸斷腸斷衣上濕痕猶茜

烏夜啼

清明小雨如絲姊歸啼不道落紅如許踏成泥 塤影
濕樹陰碧倚樓時細細一灣流水曲通池

浣溪沙

雨中寒食

春漲平如瀉碧油冥冥烟雨隱歸舟綠楊城郭水邊樓
墓上棠梨疑有淚樹頭鶉鴉豈無愁風催冷節自颼

風

采桑子

縷金繡帶同心結繫在羅裙穩稱腰身
暮過花陰不動塵
來禽枝上鶯黃語聽得銷魂
又近斜曛燕子歸時
蚤閉門

小重山

百囀新鶯在柳梢杏花嬌欲語映輕綃
銀塘東畔赤欄橋
尋芳去女伴記曾邀
扶袖上蘭橈臨波爭照影儘
妖嬈休將閒事故相嘲纔一笑雙頰上紅潮

蝶戀花

底事催花風太妬驚也銷魂啼向花濃處春在柳梢能
幾許青青露眠含朝雨濕重游絲低著樹綰住春愁
不放愁歸去燕子乍穿簾幙舞小屏山上迎人語

八聲甘州

春閨

近池塘人立紫苔階無言弄紅衿看斜橫鳳唳眉勻螺
子粉頰渦深語鳥喚回午枕殘夢自關心百箇裙邊蝶
費了泥金羞殺舞風絲柳記反腰貼地席上銜簪喜
香櫻微綻葉底和雛禽憶幽期醑醑開後悞幾番偷向
月中尋愁如織攢今宵裏攏定羅衾

法曲獻仙音

夏夜

露濕團荷雨歛湘竹向晚涼生庭牖抹厲香浮強瞿花
吐晶簾玉人垂手喜鬼魄將生候清光又微透怎消
受拂琉璃簾紋如水羅帳薄衾畔冷波欲溜粉筵好輕
搖怕螢光照人消瘦鵲駕無憑記黃姑佳會將又聽紅
蕉砌下促織亂催殘漏

一枝春

旅懷用周草窗韻

曠綠零紅漸春盡斷送幾宵風雨畫簾試捲惹起鬪人
愁緒輕暄淺冷怕著莫鼠姑眉嫵還記得同是荒城淚
滴桃笙塵聚閒凭曲闌幽處悄茶烟颺鬢飄來微縷
紅牙按拍翻取舊填歌譜催歸謝豹鎮忘却柳嫌花妬

好撰描青翰歸橈榜人夜語

揚州慢

邢溝懷古

隋苑春殘蜀岡花落枉教人怨鶯啼泛紅橋十里又碧
草萋迷料何遜題詩去後暗香都盡橫玉休吹最銷魂
清夜雷塘幾個螢飛 寂寞如此似當年佳麗應稀羨
倡條冷葉青樓翠幕書記忘歸一片野雲吹散渾如夢
付與斜暉只沿隄楊柳長條依舊絲絲

東風第一枝

湯溪寓感

淅雨時光茶蘼夢境昏昏全沒情緒鬥茶初試青旗拆
棉漸尋白紵山城蝸角怎覓個好春濃處忽記起一樹

辛夷香玉壓枝憐汝 雲葉吐玉環衣縷山影動謝娘
眉嫵半庭翠幄遮簾幾陣絮毬傍路剛逢三五照羈客
清輝何苦約畧在春後春前人逐棟花風去

水龍吟

清明

乍濃乍淡烟光曉籠芳草迷香陌微微潑火家家插柳
東風無力白打毬場紅簫飴市踏青人密看綠楊影裏
秋千架上輕翻起裙千摺 又向南塘東去聽鶯簧幾
聲嬌澁玉鞭策騎銀罌瀉酒繁華如昔舊燕尋巢穿花
蘸水杏梁雙立把閒愁擗擋歌樓買笑倩紅牙拍

暗香

夜雨

晚江初黑漸一片輕雲綠青紆白密密濛濛不見星光
透蓬隙瞥爾搓酥撚絮儘一夜翳人落魄擁孤衾鄉夢
難成頻把玉蟲剔 淒絕是何夕近上巳清明前裙時
節春波拍拍夜半歸漁艇橫笛料得明朝新霽正研就
銀羅千尺花謝也到處有粉香狼藉

解語花

偶見

鴨頭波淨燕尾沙橫人坐磯邊石黛眉脩碧却好有一
樹絲楊遮額粉裙風揭剛小露鞦兒雙窄擊青瑤玉腕
冰紗間比來誰白 記取那年歡席有蟲娘似否醉聽
歌拍閒愁曾積思量起素體橫陳薌澤多情過客空費

汝星眸小擲漾花稍一朶行雲化水痕難覓

查慎行

字夏重號初白海寧人康熙四十二年進士官編修有餘波詞二卷

臺城路

秋聲

商飈瑟瑟涼生候孤燈影搖窗戶堤柳行疎井梧葉盡
添灑芭蕉片雨纔聽又住正澹月朦朧微雲來去蔌蔌
空廊有人還傍繡簾語多因枕上無寐纔二十五更
殘點頻誤響玉池邊穿鍼樓畔一派難分竹樹零礎斷
杵更空外飛來攬成淒楚別樣關心天涯驚倦旅

臨江仙

平望驛

兩岸孤蒲聞笑語人家只隔輕烟銀魚曉市上來鮮一

湖鷺脰水雙據燕梢船
屈指郵亭剛第一眼中長路
三千南風吹夢到江天故鄉桑苧外無此好山川

木蘭花慢

七夕江口舟中作

晚程西晷路深崦裏著扁舟看薄霧成雲片雲成雨一
雨成秋推篷坐聽餘滴漸輝輝紅日下蘆洲似磬涼蟬

到耳如梳新月當頭

白香山詩巴蟬聲如磬

灘聲東瀉火西流

佳節客難酬憶蕢酒湖亭曝衣村巷吹笛江樓孤萍近
來蹤跡擬乘查碧落問牽牛獨夜飛飛鳥鵲五溪渺渺
鳧鷖

念奴嬌

贈別碧紋錄事

尋春較晚人都笑小杜舊時光景曲港橋通門啟處翠
柳紅薇交映喚起梳頭慊慊猶帶中酒催花病有心絳
蠟夜闌留照雙影 却是我未成名匆匆輕別了翻嫌
薄倖此意沉吟行復住不爲石尤風緊明日回頭離烟
恨水多少愁人境間重來約叮嚀莫似瓶井

李嬌詩消
息似瓶井

張大受

字日容嘉定人康熙四十八年進
士官檢討有匠門書屋詞一卷

風中柳

題魏水村詞

水調誰歌惹起閑愁千縷况天涯蠻烟瘴雨子規枝上
道不如歸去待歸來蒼茫何處 翦去生綃曠寫江鄉
風越空孤負年時鷗鷺紅牙銀管最撩人酸楚休更憶

小紅低語

戴

錡

字坤益嘉興人監生
有魚計莊詞一卷

朱竹垞云坤益自休寧來從余遊其詞務去
陳言謝朝華而敏夕秀蓋兼南北宋之長者
贈李畊客先生時將之白下

掃花游

曉風殘月問江北江南誰誇林藪未邊白叟任千里關
山儘多漁友荷鐮鳴榔鎖日評花賭酒倦來後愛空巷
新村秦七黃九 詩句未脫口蚤闌闌吟成蠻牋鈔又
臨溪剪韭正商量澗壑無過三晦怎奈西風催促孤雲
出岫斷橋柳亂鳴鷗離人去否

摸魚兒

秋田新居

傍鷗邊白蘋無數流雲未許遮斷柴門恰坐清溪上更
喜蘆花齊岸烟弄晚有遠近漁燈點點平沙亂松高柳
短料石塢茅堂酒壚茶竈貼水醮陰慣村南外淡淡
兩山峰遠隨他晴雨分半甕溪添箇玲瓏閣好把山根
看遍臨眺懶借舫上詩翁共作春風伴

與剩舫
相對

晨牕畫

館正白雪調絃烏絲疊句谷鳥一聲喚

江城子

客當湖枕上偶成

日移花影兩三重淡和濃上簾櫳爭鬧園林紫蝶並黃
蜂有個人兒心上事無處說怨春風青山坐在可憐
中水溶溶草茸茸都是無情不比別時同一寸柔腸千

鶯恨春去也鎖眉峰

東風第一枝

柳鎖柔風花翻細雨黃昏閣上疎影思量雪裏尋香生
怕肌侵較冷枝南枝北最好處修篁斜映怪世間兒女
多情調八笛聲休聽 妝未罷片紅落鏡魂欲去么禽
喚醒春歸放盡孤山暖至開先庾嶺芒屨竹枝消不得
閒牕幽靜恐樹樹綠遍溪頭又是一番風景

百字令

竹垞夫子命題竹垞圖

日趁蕤影被秋風吹動拍簪歸老紫陌銅街游已倦爭
似梅花溪好嫩竹千竿方池半畝綠遍王孫草清陰如

舊軟紅塵去多少 分付徑剪蓬蒿墻
芟薜荔放與銀蟾照
况有圖書三萬軸
蠹字乾魚齋掃雙調
彈箏幾回顧曲酒盃
宜頻倒小梯橫閣六峰
點點林杪

毛成肅

字孝則太倉人有宛
坻遺稿一卷詞附

木蘭花慢

聽雨

聽簷聲不斷背燈影正凄然
悵月黑風尖更深漏永
一夜潺湲鴛枕鳳衾自擁
洒空庭此際悵無眠
瑞腦薰爐香潤湘簾不卷
生寒雲邊漠漠盡愁天
離夢有誰圓想冷落巫山
淒迷眉黛十二峰間
分將霖鈴餘響惜香囊
暗濕幾何年觸起滿懷
情緒心頭滴碎堦前

沙張白

字介臣
江陰人

好事近

開笛

喚起百千愁樓外數聲長笛一闕關山古調落三更殘
月參橫猶自不成眠餘響聽嗚咽片片梅花飛絮點
鬢毛成雪

林之松

字葱木太
平人諸生

念奴嬌

西郊閒步曉漫漫滿眼空山煙霧一徑雨餘蒼蘚滑都
被沙鷗占處柳帶青蘂桃含紅淚難欸流年住萋萋芳
草王孫應怨遲暮記同隔歲尋春人家寒食愁絕應

無數花被子規啼更落引起傷春情緒修竹閒廊夕陽
蕭寺極目村前路章臺絮影東風盡日飛去

顧景文

字景行
無錫人

桂枝香

香眉亭看桂

小山橫簇看淡日烘雲堆滿金粟閒倚青紅亭院晴飄
輕馥深叢占斷三秋景倒芳樽紅傾千斛零蟬猶咽啼
攢乍起晚風搖綠更旖旎睡魂初足共兔影蟾光一
生相逐袖滿天香肯把翠眉微蹙紅牙小板京州管且
偷翻桂枝新曲露濃人悄玉京吹下向花間宿

鄭

培

字文溪秀水人
有夢西詞一卷

解連環

河拓西再送子韶

翠箋題徧恨離亭酒盡夕陽遮面忍復見馬首蕭蕭但
衰柳亂鴉短衣長劍月冷銀河正凍合桑乾一片記年
時歷歷霜燈雨菊幾經山店誰憐軟塵慣染有圍羞
沈約嬾添中散想此去高閣江空映南浦晴雲半帆初
展寫得相思肯負了早春回雁漫婆娑兒女花前小窻
曉宴

金惟駿

字昂于嘉定人有野庵詩鈔翡翠蘭茗集排闥集各一卷詞附

轉應曲

古意

楊柳楊柳烟雨迷離江口游人乍別長干繡被孤舟夜

國朝詩集卷十九
寒寒夜寒夜淚濕懷中羅帕

葉之溶

字並亭平湖人諸生有小石林詩餘

玉漏遲

秋葉

碧梧纔點徑淒淒
城城先傳京信染
漏霜華秋意幾番
消領辭卻林中宿
鳥又依戀溪灣
巖燈誰獨掃空山
古徑夕陽僧影
每隨晨齒尋來
向隱士門庭一
簾秋錦巧奪紅
妝二月有花能
並彩筆題成數
字舊恨新愁都
省還耐冷枝頭
舞風猶賸

華宗鈺

字荆山江南華亭人有尋雲遺草

減蘭

朱門更靜簾卷瓊鉤風不定對影沈吟待剪燈花惜寸
心 鎮常相見只有巢梁雙海燕繡被香溫夢斷棠梨
雨後魂

誤佳期

竹箭水寒聲咽燈影半牕明滅夢魂無那繞芳叢栩栩
輕于蝶 鸞帳玉參差鴉髻金重疊空亭一夜悄東風
吹淡梨花月

瀟瀟雨

廉纖吹細雨怪濃陰一片隔遙隄任朝朝暮暮飄殘杏
巷落盡桃溪已是踏青時候佳約阻春畦草深挑菜路

芳徑重迷 灑向層檐密葉總潛教燕妬未許鶯棲對
苔茵翠亂吟屐正堪携更能消者番憔悴掩空齋人靜
冷烟低丁寧向池邊飛絮莫便沾泥

沈時棟

字成履吳江人有瘦吟樓詞一卷

拂霓裳

俏菱銅春山迤逗十分慵剛貼翠畫眉人睨小簾櫳魂
銷花月地情重雨雲峰碧闌東恰海棠新沐露華濃
幽歡莫憶怕他梨頰先紅憑櫻素紫簫雙品鳳樓中聯
吟靈腕捷門若慧心通粉香叢羨彩鴛穩護玉芙蓉

程

庭

字五頌歙縣人有若庵集四卷詞一卷

踏莎行 冬閨

夢妥巫山雲迷楚岫綠能軟襯文茵厚起來紅日上簾
櫳膽瓶一綫寒香透 篆繞爐溫釵橫玉瘦慵呵纖指
拈針繡空堦觸響小銀鈴翠禽偷啄相思豆

陳

愕 字岬嵐江南華亭人
貢生有阿壁詞一卷

渡江雲

石橋流水滑草堂幽築借地恰三弓矮窻塵不到樹樹
芭蕉人影綠陰中無端小別便夢魂歸也怱怱料只有
一丸明月寂莫挂疎桐 飄蓬一年淮浦兩載金閨算
殘瓊孤擁挨過了黃昏幾度冷雨酸風沈鱗爲我應惆

國朝詩話卷十九
三
悵問平安兩字誰通愁更聽寒山夜半清鐘

真珠簾

陸紫湖寄示夢花詞感賦

夢花人在藍橋路爲多情吟徧溪桃千樹一枕小游仙
記雲英曾遇中字闌邊窺鬢影卻早被鸚哥喚住無緒
筭醉別鍾陵十年萍絮誰道客裏生涯恰故人寄我
冷香詩句雁柱十三弦任紅牙低度刺史蘇州賜易斷
何況是青彩羈羽歸去趁木樨花發同聽絲雨

吳

思

字雙山山陰人
有玉豔詞一卷

東風第一枝

和吳雪舫咏新柳

隄上嬌風樓前弱雨二月嫩黃初滿鎖牕千縷柔絲粉

牆萬條長線織織春色又描出帶飄衣緩認依依拂水
微烟驚外淡霞輕縮玉笛裏小候吹轉金殿側細腰
如軟還如曉沐鬟垂更看晚粧螺淺陌頭忽見又惹動
閨中淚眼採柔條喜結同心愁煞折枝人遠

邵

崑字天章
青浦人

望江南
青溪卽事

青溪好小暖及春晴社鼓遠敲村裏寺紙鷲斜颺夜深
燈天氣未清明

又

青溪好雨過晚涼移末麗花毬簪綠鬢芭蕉扇子縛紅

絲間立後門時

又

青溪好雅事趁時新雙鈕磁盆藏蟋蟀鬥花小袋貯鶉
鶉約伴又登臨

秦道然

字南沙無錫人康熙四十年進士官禮科給事中

金縷曲

題雲川蓉湖詞隱圖

老矣城南杜尚依然飛揚翰墨詞填花雨一片湖光明
艸閣漁篋聲聲堪譜怪筆底雲濤爭舞南上天台西華
嶽算文章端合江山助羨與史共千古何須更憶花
磚步似長空鴻飛去也那曾回顧鴛鴦故交消息斷輸

與烟波伴侶還只痛鼎湖無路昔日南薰供奉曲到而今都作傷心句招漁父唱金縷

國朝詞綜卷十九